

ТИББИЁТДА ҚЎЛЛАНИЛИШИГА ДОИР ЙЎРИҚНОМА НЕОЛАЙТОН-ZUMA

Препаратнинг савдо номи: Неолайтон-Zuma

Таъсир қилувчи модда (ХПН): фосфокреатин

Дори шакли: инфузия учун эритма тайёрлаш учун кукун.

Таркиби:

Фаол модда: креатин фосфатнинг натрийли тузи – 1000 мг.

Таърифи: оқ кристалл кукун.

Фармакотерапевтик гуруҳи: юрак касалликларини даволаш учун бошқа препаратлар.

АТХ коди: C01EB06

Фармакологик хусусиятлари

Неолайтон-Zuma – миокард ва мушак тўқимасининг метаболизмини яхшиловчи препаратдир. Кимёвий тузилиши бўйича эндоген макроэргик фосфокреатинга ўхшаш. Ишемияга учраган кардиомиоцитлар ва миоцитларнинг сарколеммасини деструкция жараёнига тўсқинлик қилади, хужайра ичига энергия ташилишини таъминлайди. Микроциркуляцияни яхшилаши ҳисобига препарат некроз ва ишемия соҳасининг ўлчамларини камайтиради. Ишемияда ва постишемик реперфузияда антиаритмик самара кўрсатади, бу қоринчаларнинг эктопик фаоллигини камайтиши ва Пуркинье толалари хужайраларининг физиологик фаолиятини сақланиши билан боғлиқ.

Фармакокинетикаси

Тақсимланиши: Вена ичига бир марталик инфузияда препаратнинг қон плазмасидаги максимал концентрацияси 1-3 минут ўтгач аниқланади. Препаратнинг энг кўп миқдори скелет мушакларида, миокардда ва мияда тўпланади. Жигар ва ўпка тўқимасида препаратни тўпланиши жуда оз.

Чиқарилиши: Тез фазадаги ярим чиқарилиш даври 30-35 минутни ташкил этади; секин фазадаги ярим чиқарилиш даври бир неча соатни ташкил этади. Буйраклар оркали чиқарилади.

Қўлланилиши

Қуйидаги:

- ўткир миокард инфаркти;
- сурункали юрак етишмовчилиги;
- интраоперацион миокард ишемияси;
- қўл-оёқларнинг интраоперацион ишемияси;
- ўткир инсульт;

спорт тиббиётида: жисмоний зўриқиш синдромини ривожланишини олдини олиш ва экстремал жисмоний юкламаларга мослашишини яхшилаш учун мажмуавий даволашда қўлланилади.

Қўллаш усули ва дозалари

Ўткир миокард инфарктида: 1-чи суткада венага 2-4 г оқим билан, кейинги 8-16 г ни 200 мл 5% глюкоза эритмасида инфузия усули билан томчилаб, 2 соат давомида юборилади. 2-чи суткада 2-4 г дан в/и томчилаб суткада 2 марта юборилади. Зарурати бўлганида препаратни 2 г дан суткада 2 марта инфузия курсини 6 кун давомида ўтказиш мумкин.

Сурункали юрак етишмовчилигида: 10-14 кун давомида 1-2 г дан суткада 2 марта в/и томчилаб юборилади.

Миокарднинг интраоперацион ишемиясида: Оддий кардиоплегик эритма таркибида 1 л да 3 г микдорида юборилади. Неолайтон-Zuma эритма таркибига бевосита ишлатишдан олдин аралаштирилади. Препаратнинг инфузия курсларини 2 г дан операциядан олдин 3-5 кун давомида кунига икки марта, шунингдек операциядан сўнг 1-2 кун давомида ўтказиш тавсия этилади.

Оёқларнинг интраоперацион ишемияси ривожланиши эҳтимолида: операциягача препаратнинг 2-4 г в/и оқим билан, кейинги операция давомида ва реперфузия даврида 8-10 г ни 5% глюкоза эритмасида инфузия қилиш тавсия этилади.

Ножўя таъсирлари

Препаратга юқори сезувчанлик, артериал гипотензия (в/и тез юборилганида).

Қўллаш мумкин бўлмаган ҳолатлар

- Препаратга юқори сезувчанлик.
- 18 ёшгача бўлган болалар.

Дориларнинг ўзаро таъсири

Мажмуавий даволаш таркибида қўлланганида Неолайтон-Zuma антиаритмик, антиангинал препаратлар, шунингдек миокарднинг инотроп фаолиятига ижобий таъсир кўрсатувчи препаратларнинг самарадорлигини ошишига ёрдам беради.

Махсус кўрсатмалар

Препаратни ишемиянинг биринчи белгилари намоён бўлган вақтдан бошлаб максимал қисқа муддатларда юбориш лозим.

Неолайтон-Zuma юрак фаолиятининг бузилишларини шошилиш равишида тўғрилаш учун қўллаш мумкин эмас.

Ҳомиладорлик ва лактация даври

Ҳомиладорлик ва лактация даврида препаратни хавфсизлиги ва самарадорлиги ҳақида маълумот йўқ. Шунга қарамасдан, фосфокреатинни ҳайвонларнинг репродуктив характеристикалари ва она қорнида ривожланишига токсик таъсир кўрсатмаслиги маълум. Агар она учун фойда ҳомила учун потенциал хавфдан юқори бўлса, препаратни ҳомиладорлик даврида қўллаш мумкин. Эмизиш даврида препаратни қўллаш зарурати бўлган ҳолда эмизишни тўхтатиш керак.

Болаларда қўлланиши

18 ёшдан кичик болаларда препаратни қўллаш тўғрисида маълумотлар йўқ.

Дозани ошириб юборилиши

Неолайтон-Zuma препаратининг дозасини ошириб юборилиши тўғрисида ҳозирги вақтгача хабар берилмаган.

Чиқарилиш шакли

1 г инфузия учун эритма тайёрлаш учун кукун нейтрал рангсиз шиша флаконда;

1 та флакондан тиббиётда қўлланилишига доир йўриқномаси билан бирга картон қутига жойланган.

Сақлаш шароити

Оригинал қадокда, еруғликдан ҳимояланган жойда 30°C дан юқори бўлмаган ҳароратда сақлансин. Болалар ололмайдиган жойда сақлансин.

Яроқлилик муддати

2 йил

Яроқлилик муддати ўтгач қўлланилмасин

Дорихоналардан бериш тартиби
Рецепт бўйича.

Ишлаб чиқарувчи:/ Ўзбекистон Республикаси ҳудудида дори воситаларининг сифати бўйича эътирозлар (таклифлар) ни қабул қилувчи ташкилот номи ва манзили
МЧЖ «UZGERMED PHARM» ҚҚ,
Ўзбекистон Республикаси, Тошкент вил., Юқори-Чирчиқ тумани, Борданқўл посёлкаси.
Тел.: (8370)202-60-06, факс: (8370)983-62-62
Электронная манзили: info@ugr.uz, веб-сайти: www.ugr.uz.